



Broj: 03-23-2123/23

Datum, 03.07.2024. godine

Na osnovu člana 10. stav 2. Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona“, broj: 10/19), člana 12. stav 4. Pravilnika o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored taksivozila na taksistajalištima na području općine Zavidovići („Službeni glasnik općine Zavidovići“, broj: 10/19) i Rješenja Ministarstva za prostorno uređenje, promet i komunikacije i zaštitu okoline ZDK broj:UP2-12-19-74/24 od 05.06.2024.godine, Služba za upravu privrede, lokalni razvoj, infrastrukture i međunarodne saradnje raspisuje:

**JAVNI POZIV**  
**za prikupljanje zahtjeva za raspored taksivozila na slobodna taksistajališta**  
**na području Grada Zavidovići za 2024. godinu**

**I**

Objavljuje se Javni poziv za raspoređivanje taksivozila na dva slobodna taksistajališta na području Grada Zavidovići za 2024. godinu.

**II**

Slobodna taksistajališta su:

R.b.	Adresa i naziv taksistajališta	Broj slobodnih mjest na stajalištu	Redni broj i kategorija stajališta
1.	Ul. Alije Izetbegovića	2	1 - I

**III**

Podnosilac zahtjeva za raspored taksivozila na taksistajalištima mora ispunjavati sljedeće uslove:

- Da posjeduje profesionalnu osposobljenost koja podrazumijeva:
  - da je registrovan za obavljanje djelatnosti taksiprijevoza i da mu je to osnovna djelatnost,
  - da podnosilac zahtjeva - pravno lice zapošljava vozače koji imaju položen poseban ispit za taksivozača na području Zeničko-dobojskog kantona (broj vozača mora biti veći ili jednak broju vozila za koja se, u zahtjevu, traži raspored na taksistajališta),
  - da podnosilac zahtjeva - fizičko lice koje je nosilac odobrenja za obavljanje djelatnosti taksiprijevoza, a koje u zahtjevu traži raspored za dva vozila, zapošljava još minimalno jednog vozača koji ima položen poseban ispit za taksivozača na području Zeničko-dobojskog kantona.
- Da ima sjedište/prebivalište na području Grada Zavidovići najmanje 1 mjesec do dana

podnošenja zahtjeva.

3. Da uredno izmiruje obaveze u pogledu plaćanja javnih prihoda.
4. Da nema izrečenu pravomoćnu odluku kojom je određena zaštitna mjera zabrane obavljanja djelatnosti javnog prijevoza dok ta mjera traje.

#### IV

Dokumentacija kojom podnosilac zahtjeva za raspored taksivozila na taksistajalištima dokazuje da ispunjava uslove iz tačke III je:

##### 1. Pravna lica

- Aktuelni izvod iz sudskog registra i obavještenje Federalnog zavoda za statistiku o razvrstavanju djelatnosti,
- Prijava penzijsko-invalidskog osiguranja i uvjerenje o položenom posebnom ispitu za taksivozača za uposlene vozače,
- Uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama,
- Uvjerenje nadležnog suda da u posljednoj godini dana od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, broj 28/06 i 2/10) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.

##### 2. Fizička lica

- Važeće rješenje/odobrenje za obavljanje taksiprijevoza,
- Potvrda nadležnog organa o prebivalištu na području Grada Zavidovići,
- Uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama,
- Uvjerenje nadležnog suda da u posljednoj godini dana od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, broj 28/06 i 2/10) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.

Izuzetno, pored navedene dokumentacije, fizičko lice koje podnosi zahtjev za raspored dva vozila na taksistajalištima dužno je za uposlenog vozača dostaviti prijavu penzijsko-invalidskog osiguranja i uvjerenje o položenom ispitu za taksivozača.

#### V

Godišnja naknada za upotrebu i korištenje taksistajališta iz tačke II Javnog poziva je:

-100,00 KM za upotrebu i korištenje taksistajališta I kategorije,

## VI

Raspored taksivozača na taksistajalištima iz tačke II se dodjeljuje za period od 1.1. do 31.12.2024. godine.

Taksiprijevoznici sa područja grada Zavidovići se pozivaju da podnesu zahtjev za raspored taksivozila na slobodnim taksistajalištima u roku od 15 dana od dana objavljivanja u „Službenom glasniku grada Zavidovići“.

Obrazac zahtjeva za raspored taksivozila na taksistajališta na području Grada Zavidovići se nalazi u prilogu ovog Javnog poziva, a isti se zajedno sa uputama za popunjavanje može preuzeti i na info pultu Grada Zavidovići.

Zahtjev za raspored taksivozila na taksistajalištima s dostavlja lično na Protokol Grada Zavidovići ili putem pošte na adresu: Grad Zavidovići Služba za upravu privrede, lokalni razvoj, infrastrukturu i međunarodnu saradnju Komisija za provođenje javnog poziva Safvet bega Bašagića bb u zatvorenoj koverti sa naznakom „OTVARA KOMISIJA“.

## VII

Ovaj javni poziv biti će objavljen u „Službenom glasniku grada Zavidovići“, na službenoj web stranici grada Zavidovići [www.zavidovici.ba](http://www.zavidovici.ba) i dnevnom listu „Oslobođenje“.

Taksiprijevoznici takođe mogu dobiti sve potrebne informacije u Službi za upravu privrede, lokalni razvoj, infrastrukturu i međunarodnu saradnju ili na telefon broj 032/206-758.

## VIII

Neblagovremene, kao i nepotpune zahtjeve Komisija neće razmatrati i iste će sa dostavljenom dokumentacijom vratiti podnosiocu.

Nakon provedenog postupka Komisija utvrđuje Preliminarnu rang listu rasporeda taksivozila za taksistajališta iz Javnog poziva i istu objavljuje na web stranici i oglasnoj ploči Grada Zavidovići.

Na objavljenu Preliminarnu rang listu podnosioci zahtjeva mogu podnijeti žalbu Gradonačelniku Grada Zavidovići u roku od 8 dana od dana objavljivanja iste.

POMOĆNIK GRADONAČELNIKA

mr. sci. Džeraldina Miličević

Obradila: \_\_\_\_\_  
Amira Šibonjić